



## SA EXAM PAPERS

---

YOUR LEADING PAST YEAR EXAM PAPER  
PORTAL

Visit SA Exam Papers

[www.saexampapers.co.za](http://www.saexampapers.co.za)



# basic education

Department:  
Basic Education  
**REPUBLIC OF SOUTH AFRICA**

## **NATIONAL SENIOR CERTIFICATE**

**IGREYIDI 12**

**ISINDEBELE ILIMI LEKHAYA (HL)**

**IPHEPHA LESITHATHU (P3)**

**NOVEMBA 2018**

**UMHLAHLANDLELA WOKUTSHWAYA**

**IMITLOMELO: 100**

**Umhlahlandlela wokutshwaya lo unamakhasi ali-13.**

**ISIGABA A: AMATHEKSTHI WOKUZITLAMELA (AMA-ESEYI)****Tjheja: Isihloko asingabalwa nakubalwa inani lamagama asetjenzisweko.****UMBUZO 1****1.1 I-eseyi ecocako.**

**Ngabona ngalelo langa bona kungcono ukuthemba ilitje kunokuthemba umuntu.**

**Nakhu okumele kutjhejwe nakutshwaywa i-eseyi le:**

Le yi-eseyi lapho umtlozi ademba ngesehlakalo esithileko esakhe senzeka kuye, akhe wasibona senzeka komunye nofana acocelwa ngaso. Kuyenzeka kokhunye umtlozi atole i-eseyi ayisusele ehloko. Kuqakathekile ukobana nanyana umfundi ayisusela ehloko i-eseyakhe kube yi-eseyi ekholwekako. Ngokuvamileko umtlozi we-eseyi ecocako usebenzisa isikhathi esidlulileko.

**[50]****1.2 I-eseyi ecocako.**

**Ikulumakhe yangenza ngazizwa ngidelelekile, benginyazekile.**

**Nakhu okumele kutjhejwe nakutshwaywa i-eseyi le:**

Le yi-eseyi lapho umtlozi ademba ngesehlakalo esithileko esakhe senzeka kuye, akhe wasibona senzeka komunye nofana acocelwa ngaso. Kuyenzeka kokhunye umtlozi atole i-eseyi ayisusele ehloko. Kuqakathekile ukobana nanyana umfundi ayisusela ehloko i-eseyakhe kube yi-eseyi ekholwekako. Ngokuvamileko umtlozi we-eseyi ecocako usebenzisa isikhathi esidlulileko.

**[50]****1.3 I-eseyi ehlathululako.**

**Indawo ekhethekileko engingathanda ukuhlala kiyo epilwenami.**

**Nakhu okumele kutjhejwe nakutshwaywa i-eseyi le:**

Le yi-eseyi lapho umtlozi afuze ahlathulule ubujamo obuthileko, umuntu othileko nofana indawo ethileko. Njengombana nesihloko sitjho, kufanele umtlozi we-eseyi le asebenzise amagama ahlathululako khudlwana. Ngale kwalokho, umtlozi usebenzisa khulu ilimi elisesikhathini sanje. Otlolako kufanele ayelele ekutheni akhethe isihloko asazi kuhle ngombana kuba budisi ukuhlathulula into onganalwazi elipheleleko ngayo.

**[50]**

**1.4 I-esityi evezako/eveza imizwa yomtloli.**

**Okuncani engingakwenza nange nginikelwe ithuba lokobana ngitjhugulule iphaseli libe yindawo engcono.**

**Nakhu okumele kutjhejwe nakutshwaywa i-esityi le:**

Le yi-esityi lapho otlolako aba nombono bese unikela imizwakhe. I-esityi le itjhegeza ibuyele emva esehlakalweni esakhe senzeka. Otololako-ke kulapho abeka khona imibonwakhe ngokwenzakalako, abeke tjhatjhalazi okuhle neemphoso bese uthatha iinqunto ngokobana ubona kufanele kwenziweni ukutjhugulula ubujamo balokho esikhathini esizako. Akutjho bonyana akutjhoko kuliqiniso kodwana ngilokho akucabangako ngabantu, ngesintu nofana ngepilo nje. Lokho akubekako kuhle kusekelwe ngamaqiniso.

**[50]**

**1.5 I-esityi emahlangothimabili/emadanisako.**

**Ubuhle nobumbi bokuba nabangani abanengi.**

**Nakhu okumele kutjhejwe nakutshwaywa i-esityi le:**

Indaba le ihlobene khulu ne-esityi ephikisako. Okufanako kukobana kiyo yomibili imihlobo le, otlolako ubeka imibonwakhe. Umehluko okhona kukobana e-esityini emahlangothimabili otlolako kulindeleke kobana atlole ngemibono yomibili. Silindele kobana asivezele ubuhle nobumbi bento atlola ngayo. Umtloli angafikelela esiphethweni esithileko ekugcineni kwe-esityakhe kodwana imibono evumako nephikako kufanele yethulwe ngokulinganako e-esityini angathathi ihlangothi. Otololako kufanele aveze kokubili, ubuhle nobumbi bokuba nabangani abanengi.

**[50]**

**1.6 I-esityi ephikisako/ehlangothilinye.**

**Imali iyalithenga ithabo. Vumelana nofana uphikisane nesitatimendes.**

**Nakhu okumele kutjhejwe nakutshwaywa i-esityi le:**

- I-esityi ephikisako ifuna otlolako athome ngokukhetha ihlangothi esihlokweni atlola ngaso. Otololako angakhetha ukuvumelana nesihloko nofana aphikisane naso. Umbono womtloli kumele ukhanye kusukela ekuthomeni bekube sekugcineni kwe-esityakhe. Ilimi elinezwelomagama lingahle lithinte imizwa kodwana kumele libe nehlonipho. Isiphetho kumele sibe sitatimende somtloli esinamandla, esikhanyako nesanelisako.

**[50]**

- 1.7 1.7.1- Kileziinthombe umfundi angatlola nanyana ngiwuphi umhlobo  
1.7.2 we-esityi. Otshwayako uyeleliswa bona atjheje umhlobo we-esityi ovezwa ngotlolako bese utshwaya ngokulandela amaphuzu alindeleke ngaphasi kwalowo mhlobo wendaba.

**[50]**

**IMITLOMELO YESIGABA A:**

**50**

**ISIGABA B: AMATHEKSTHI WOKUTHINTANA****UMBUZO 2****2.1 INCWADI YOBUNGANI****Nakhu okumele kutjhejwe nakutshwaywa incwadi yobungani:**

- Kufanele ibe nesiphande sinye, sitlolwe ngokujayelekileko esandleni sokudla. Isiphande sotlolako asibe nelanga elitlolwe ngesiNdebele isib: Janabari/Tjhirhweni ingasi ngesiNgisi. **Tjheja:** Isiphande, isilotjhisano nesiphetho azingabalwa nakubalwa inani lamagama.
- Itlolelwa umuntu owazekako, kungaba mnganakho, umnakwenu, umzawakho; njll.
- Kunesilotjhisano esiphakamisa ibizo lomuntu omtlolelako; Isib. Jabulile, Mma, Baba; njll.
- Kufuneka esingenisweni aveze umnqopho wokutlola incwadi leyo ngobufitjhani. Isingeniso singaba mumutjho munye kufika kemithathu ubunengi. Akucocwa iindaba ezinengi lapha.
- Kufuneka bona otlolako ahlathulule ngokuzeleko emzimbeni ihloso yokutlola kwakhe incwadi ngamaphuzu azwakalako nakhambisana nesihloko anikelwe sona.
- Kumele ibe nesilayeliso; Isib. Ubalotjhise boke ekhaya/Ngilotjhisela kibo boke abangaziko ngapho; njll.
- Ekugcineni kumele utlole isiphetho; Isib. Ngimi umnganakho/Ngimi umntwanakho/Ngimi umzawakho/Ngimi, bese kuthi ngaphasi kwesiphetho utlole igama lakho. Lokhu kwenzelwa ukobana loyo otlolelweko azi kuhle ukuthi utlolelwe ngubani. Isibongo akufuneki ukobana usitlole ngombana niyazana nabantu obatloleleko.

**[25]****2.2 INCWADI YABAKHULU/YANGOKOMTHETHO**

Kilomhlobo wencwadi esiphandeni kungasetjenziswa igama lenyanga yesiNdebele nofana **yesiNgisi etlolwe ngokwesiNdebele**; Isib. Matjhi, Febherbari, Janabari; njll. Oyitlolako akukafaneli asebenzise ilimi lendleleni, okulilimi elingakavumeleki.

**Nakhu okumele kutjhejwe nakutshwaywa incwadi yangokomthetho:**

- Kufanele ibe neemphande ezimbili, zitlolwe ngokujayelekileko. Isiphande sotlolelwako asibi nelanga/idadamu ekutlolwe ngalo incwadi.
- Kutlolelwa umuntu othileko onesikhundla ebubulweni elithileko. Ngalokho-ke kufanele otlolako aphakamise isikhundla saloyo amtlolelako ngaphambi kokutlola isiphande sesibili. **Tjheja:** limphande, isilotjhisano, isihloko nesiphetho azingabalwa nakubalwa inani lamagama.
- Kunesilotjhisano esingaphakamisi ibizo lomuntu otlolelwako kodwana kutlolwa ukuthi *Nomzana* nofana *Kosikazi*.
- Kufuneka bona otlolako atlole isihloko salokho atlola ngakho ngamagabhadlhela.

- Esingenisweni kufanele kutlolwe umnqopho/isizathu sokutlola leyo ncwadi.
- Kufuneka bona otlolako ahlathulule kuhle ngokuzeleko lokho akhuluma ngakho. Kufanele asebenzise amagama afana nanaka: *Ngiyokuthokoza; Ngizokuthaba; Kuzongithabisa.*
- Iba nomzimba lapha otlolako acoca khona indabakhe.
- Iba nesilayeliso.  
Esiphethweni iyaveza bona ibuya kubani. Tlola amagamakho nofana iinthomo zamagamakho nesibongo bese uyayitlikitla. Kufuneka bengubo baveze bona bendile/batjhadile nofana awa ngokutlola Mm. nofana Kkz. /Ksz. ngemva kokutlikitla incwadi leyo. Lokhu kwenzelwa ukuthi loyo otlolelwako azi kuhle ukuthi utlolelwe ngubani.

[25]

### 2.3 UMLANDO KAMUFI

Nakutlolwa umlando kamufi, kuthonywa ngesihloko esibonakalako esinamagama kamufi apheleleko; Isib. Umlando kaBaphelile Sophy Masilela, njll. Ekugcineni kungaphethwa ngomutjho omfitjhani wokumlayelisa, njengokuthi: Lala Ngokuthula, Mgwezani Wakokosi, Lala uphumule, Mgwezani, nofana ikosi ayikuphe umphumulela wasafuthi, nanyana ngimaphi amagama anehlonipho kungaba ziinanazelo zakhe ziyamukeleka.

#### **Nakhu okumele kutjhejwe nakutshwaywa umlando kamufi:**

- Isihloko esinamagama kamufi apheleleko.
- Amagamakhe apheleleko.
- Ilanga abelethwa ngalo.
- Igama lendawo abelethelwa kiyo. **Tjheja:** Akungatlolwa igama lesibhedlela.
- Ubelethwa bobani.
- Imithombo yefundo asele adlule kiyo.
- Akuzuzako eemfundweni zakhe.
- Iindawo asebenze kizo.
- Iinkhundla azifumanako.
- Ilanga akhambe ngalo ephasini.  
**Tjheja:** Akungatlolwa unobangela wokuhlongakala kwakamufi kodwana kungavezwa khunye kwalokhu: webiwe ngunokufa lokha nakakhambe ngengozi, uhlongakele ngemva kokugula isikhathi esifitjhani nofana eside nakagulileko.
- Umndenakhe awutjhiyileko ephasini njengomyenakhe nofana ukosikazi, abentwana, ababelethi, iinzukulu zakhe nabanye ahlobana nabo ngokweengazi.  
**Tjheja:** Akungatlolwa amabizo weenini ezitjhiyweko.
- Isiphetho akube mumutjho omfitjhani wokumlayelisa nofana iinanazelo zakhe.

[25]

## 2.4 I-INTHAVYU

### Nakhu okumele kutjhejwe nakutshwaywa i-inthavyu:

- Njengemitlolo yoke kufanele kube khona isingeniso. Esingenisweni kulapho kwethulwa khona indaba ekuzokucocwa ngayo nokobana izokucocwa bobani nendawo lapha izokucocelwa khona.
- Iba nesakhiwo esifana nesomdlalo.
- Akulotjhisana kungenwa endabeni zisuka zibekwa.
- Amagama walabo abakhulumako atlolwa ngesandleni sesincele, abe mafitjhani nesibongo singasetjenziswa. Akutlolwa litho ngaphasi kwamagama walabo abakhulumako.
- Kutlolwa ikholoni emuva kwamagama wabantu abakhulumako.
- Amagama aveza imizwa nobujamo balabo abakhulumako akatlolwe afakwe ngaphakathi kweembayana ngemva kwekholoni etlolwe eduze negama lokhulumako nofana laloyo okhulumako.
- Lapha kuthoma khona ikulumo yomuntu akuthonywe ngegabhahlhela.
- Ukukhethwa kwamagama kumele kutjengise ukwehlukana kwezinga lalabo abakhulumako. **Isib. Ubaba nakakhuluma nendodana, umntwana wesikolo nakakhuluma notitjhere.**
- Ukobana i-inthavyu ithoma ngesingeniso akutjho bona akube khona isigaba esisiphetho. Isiphetho sendaba siba sekulumeni yabo, kuzwakale bonyana seiyaphetha.

[25]

## 2.5 I-ATHIKILI YEPHEPHANDABA

### Nakhu okumele kutjhejwe nakutshwaywa i-athikili yephephandaba:

- Isihloko asibe sifitjhani, sidose besilulubeze ozosifunda.
- I-athikili kufuze itlowe ngamaphuzu amafitjhani begodu ibe namakholomu. Nakunemigwalo ayibe nemibala emihle, ekhanyako nedosako begodu ekhambelana nesihloko.
- Kufuze ibe sesitayeleni saloyo oyitlolako kodwana ikhulume noyifundako.
- Isitayela singaba ngesihlathululako, sibe neenthombengqondo begodu senze ofundako abe nekareko.
- Amagama, iindawo, isikhathi, ubujamo nezinye iimfuneko eziqakathekileko kumele zifakwe.
- I-athikili kufuze ivuse ikareko njengesikhangiso, ikhuthaze abayifundako bona bayifunde.
- Iindima akukafuzi bona zibe zide.
- Amagama asetjenzisweko kufuze kube ngilawo azakwamukeleka.

[25]

**2.6 UMBIKO ONGAKAHLELEKI**

Umbiko ungaba ngento umuntu ayibonileko, ayizwileko nofana into ayenzileko.

**Nakhu okumele kutjhejwe nakutshwaywa umbiko ongakahleleki:**

- Ihloso yombiko kudlulisa ilwazi elithileko.
- Amaphuzu kumele abe liqiniso kungabi mbono.
- Amaphuzu kumele aphantelane nesehlakalo.
- Amaphuzu kumele atolwe abe maphoyinti.
- Ilimi elisentjenziswako kufanele likhambisane naloyo nanyana labo umbiko oqaliswa kibo.
- Ukuze umbiko uzwakale kuhle kumele utlolwe ngomuntu wesithathu, okukhulunywa ngaye.
- Kumele umbiko ube nesihloko esitjhoko bona umbiko umayelana nani.
- Kumele kube nesiphetho.
- Kumele kube neemphakamiso (nakutlhogekako).
- Kumele umbiko ube nelanga otlolwe ngalo.
- Kumele ekugcineni umbiko utlikitlwe. **[25]**

**IMITLOMELO YESIGABA B: 50**  
**INANI LOKE: 100**



**ISIGABA A: IRUBHRIKHI YOKUTSHWAYA/YOKUHLOLA INDABA/I-ESEYI YELIMI LEKHAYA [50 IMITLOMELO]****TJHEJA:**

- Sebenzisa irubhriki njalo nawutshwaya i-eseyi.
- Amamaksi asukela eli-0–50 ahlukaniwe ngamazinga weentladhluli ezi-5.
- Okumunyethweko, iqhinga lokusetjenziswa kwelimi nesitayela, lelo nalelo kghono lesitladhluli lihlukaniwe ngezinga eliphezulu neliphasi.
- Isakhiwo asithintwa lizinga eliphezulu namkha eliphasi.

**IRUBHRIKHI YOKUHLOLA INDABA YELIMI LEKHAYA [50 AMAMAKSI]**

Iqhinga		Ngokudluleleko	Ngokwekghono	Ngokulingeneko	Ngokusisekelo	Ngokungakalingani
<b>OKUMUNYETHWEKO NOKUHLELA</b>  (Ukuphendula) Ukuhleleka kwemiqondo yokuhlela. Ukulemuka komnqopho, abamukelilwazi nobujamo.  <b>30 AMAMAKSI</b>	Izinga eliphezulu	<b>28–30</b>	<b>22–24</b>	<b>16–18</b>	<b>10–12</b>	<b>4–6</b>
		- Ukuphendula <b>okudluleleko</b> . - Imiqondo <b>ehlakaniphileko</b> netjengisa <b>ukukhula</b> . - <b>Ukuhleleka okudluleleko nokukhambelana</b> kwesingeniso, umzimba nesiphetho.	- Ukuphendula <b>okuhle khulu</b> . - Kunobufakazi <b>nokukhula</b> kwendaba okubonakalako <b>nokumnandi</b> . - <b>Ukuhleleka okuhle</b> nokukhambelana kwesingeniso, umzimba nesiphetho.	- Ukuphendula <b>okwanelisako</b> . - Imiqondo <b>ekhambelanako nekholisako</b> . - <b>Kunokuhleleka nokukhambelana okulingeneko</b> kwesingeniso, umzimba nesiphetho.	- Ukuphendula <b>okungakajami ndawonye</b> . - Imiqondo <b>engakanqophi</b> . - Ubufakazi <b>obuncani bokuhleleka nokukhambelana</b> kwesingeniso, umzimba nesiphetho.	- Ukuphendula <b>okuphume endleleni khulu</b> . - Imiqondo <b>enganatlha nengazwakaliko</b> . - Imiqondo <b>ebuyabuyelelweko</b> . - Imiqondo <b>engakahleleki nengakhambelaniko</b> .
	Izinga eliphasi	<b>25–27</b>	<b>19–21</b>	<b>13–15</b>	<b>7–9</b>	<b>0–3</b>
		- Ukuphendula <b>okudluleleko kodwana kutlhayela amatshwayo wendaba ehle</b> . - Imiqondo <b>ekhulileko nenokuhlakanipha</b> . - <b>Kunokuhleleka nokukhambelana okuhle kwesingeniso</b> kwesingeniso, umzimba nesiphetho.	- Ukuphendula <b>okuhle</b> . - Imiqondo <b>ekarisako nekhambelanako</b> . - <b>Kunokuhleleka nokukhambelana</b> kwesingeniso, umzimba nesiphetho.	- Ukuphendula <b>okwanelisako kodwana okunganatlha</b> . - Imiqondo <b>izwakala heyikhambelana ngokulingeneko</b> . - <b>Kunokuhleleka nokukhambelana</b> kwesingeniso, umzimba nesiphetho.	- Ukuphendula <b>okungakhambelaniko nokusezingeni eliphasi</b> . - Imiqondo <b>ayikahlangani begodu ayikanqophi</b> . - <b>Kunokuhleleka okungakhambelani</b> nesingeniso, umzimba nesiphetho.	- Ukuphendula <b>isihloko akukalingwa nokulingwa</b> . - Imiqondo <b>engakhambelaniko nengakafaneli</b> . - Imiqondo <b>enganatlha nengazwakaliko</b> .

**IRUBHRIKHI YOKUHLOLA INDABA YELIMI LEKHAYA [50 AMAMAKSI] (iyaraga)**

Iqhinga		Ngokudluleleko	Ngokwekghono	Ngokulingeneko	Ngokusisekelo	Ngokungakalingani
<b>ILIMI, ISITAYELA NOKU-EDITHA.</b>  Iphimbo, irejista, isitayela nelwazimagama elifanele umnqopho, abamukelilwazi nobujamo. Ukukhethwa kwamagama, ukusetjenziswa kwelimi, imithetjhwana, iimpumuzi, ihlelo nesipelinghi.  <b>15 AMAMAKSI</b>	Izinga eliphezulu	<b>14–15</b> - Iphimbo, irejista, isitayela nelwazimagama <b>elifaneleko nelihle ngokudluleleko, elinemba umnqopho, abamukelilwazi nobujamo.</b> Ukusetjenziswa kwelimi kusezingeni <b>elihle ngokudluleleko.</b> - <b>Ihlelo nesipelinghi esinganamphoso khulu (0-4).</b> - Kutlanywe <b>kuhle ngokudluleleko.</b>	<b>11–12</b> - Iphimbo, irejista, isitayela nelwazimagama <b>elifanele umnqopho, abamukelilwazi nobujamo.</b> - <b>Ilimi liyanemba belisetjenziswe kuhle.</b> - <b>Ihlelo nesipelinghi akunamphoso khulu, zimbawo (10-14).</b> - Kutlanywe <b>kuhle khulu.</b>	<b>8–9</b> - Iphimbo, irejista, isitayela nelwazimagama <b>elifanele umnqopho, abamukelilwazi nobujamo ngokulingeneko.</b> - Ukusetjenziswa kwelimi <b>okwethula ihlathululo.</b> - <b>Ihlelo nesipelinghi kuneemphoso ezinengi (20 kuya phezulu).</b> - Kutlanywe <b>ngokusezingeni elilingeneko.</b>	<b>5–6</b> - Iphimbo, irejista, isitayela nelwazimagama <b>elingakafaneli umnqopho, abamukelilwazi nobujamo.</b> - Ukusetjenziswa kwelimi <b>okusezingeni eliphasi.</b> - <b>Ihlelo nesipelinghi kuneemphoso ezinengi khulukhulu.</b> - Kutlanywe <b>ngokusezingeni eliphasi khulukhulu.</b>	<b>0–3</b> - Iphimbo, irejista nesitayela <b>ezingakafaneli khulu umnqopho, abamukelilwazi nobujamo.</b> - <b>Ilwazimagama elitlhayela khulu lenza kube budisi ukuzwisa itheksthi.</b> - <b>Ilimi elingazwakaliko.</b> - <b>Ihlelo nesipelinghi kuneemphoso ezinengi khulu ngokudluleleko.</b> - <b>Abukho ubufakazi bokutlama</b>
		<b>ISAKHIWO</b>  Amatshwayo wetheksthi. Ukwakhiwa kweengaba nemitjho.  <b>5 AMAMAKSI</b>	Izinga eliphasi	<b>13</b> - Iphimbo, irejista, isitayela nelwazimagama <b>elifaneleko nelihle elinemba umnqopho, abamukelilwazi nobujamo.</b> Ukusetjenziswa kwelimi kusezingeni <b>elihle khulu.</b> - <b>Ihlelo nesipelinghi esinganamphoso ezinengi (5-9).</b> - Kutlanywe <b>ngokudluleleko.</b>	<b>10</b> - Iphimbo, irejista, isitayela nelwazimagama <b>elifanele umnqopho, abamukelilwazi nobujamo.</b> - <b>Ilimi liyanemba belisetjenziswe ngokufaneleko.</b> - <b>Ihlelo nesipelinghi kuneemphoso ezinengana (15-19).</b> - Kutlanywe <b>kuhle.</b>	<b>7</b> - Iphimbo, irejista, isitayela nelwazimagama <b>elifanele umnqopho, abamukelilwazi nobujamo.</b> - Ukusetjenziswa kwelimi <b>okungathuli ihlathululo.</b> - <b>Ihlelo nesipelinghi kuneemphoso ezinengi khulu (20 kuya phezulu).</b> - Kutlanywe <b>ngokusezingeni eliphasi.</b>
<b>5</b> - Kuvezwe amatshwayo neminingwana <b>eqakatheke ngokudluleleko</b> ngesakhiwo sendaba. - Kunokukhambelana <b>okuhle ngokudluleleko</b> kwendaba. - Imitjho neengaba kwakheke ngendlela <b>ehle ngokudluleleko.</b>	<b>4</b> - Amatshwayo neminingwana evezweko <b>kukhambelana kuhle.</b> - Kunokukhambelana <b>okuhle kwendaba.</b> - Imitjho neengaba kwakheke ngendlela <b>ehle khulu.</b>			<b>3</b> - Amatshwayo neminingwana kuvezwe <b>ngokulingeneko.</b> - Kunokukhambelana <b>okulingeneko</b> kwendaba. - Imitjho neengaba kwakheke <b>ngokulingeneko.</b> - <b>Indaba isanikela umqondo.</b>	<b>2</b> - Amatshwayo neminye iminingwana yesakhiwo sendaba kuvezwe <b>ngokusisekelo.</b> - <b>Ukwakheka kwemitjho neengaba kuneemphoso.</b> - <b>Indaba isazwakala kancani.</b>	<b>0–1</b> - Amatshwayo neminingwana efunekako <b>kuyathayela.</b> - Ukwakhiwa kwemitjho neengaba <b>kuneemphoso ezinengi khulu.</b> - <b>Indaba ayinamqondo.</b>

**ISITJENGISO SOKWABIWA KWEMITLOMELo:**

-km-: (Tiola umtlomelo otholwe mfundi), L--: (Tiola umtlomelo otholwe mfundi), Sk-: (Tiola umtlomelo otholwe mfundi)

**ISIGABA B: AMATHEKSTHI WOKUTHINTANA****IRUBHRIKHI YOKUHLOLA AMATHEKSTHI WOKUTHINTANA WELIMI LEKHAYA [25 AMAMAKSI]**

Iqhinga	Ngokudluleleko	Ngokwekghono	Ngokulingeneko	Ngokusisekelo	Ngokungakaneli
<b>OKUMUNYETHWEKO, UKUHLA NESAKHIWO</b> -Ukuphendula nemibono. -Ukubuthelwa nokuhleleka kwemibono. - Umnqopho, abamukelilwazi, amatshwayo/imithetjhwana kanye nobujamo <b>15 AMAMAKSI</b>	<b>13–15</b> - Ukuphendula <b>okudluleleko</b> , okungaphezu kwalokho okulindelweko. - Imiqondo <b>ehlakaniphileko nekhulileko</b> . - <b>Ilwazi elingeneleleko</b> lamatshwayo wetheksthi. - Umtlolo unqophile. - <b>Kunokukhambelana kokumunyethweko nomqondo</b> . - Isakhiwo sihleleke <b>kuhle ngokudluleleko, yoke</b> imininingwana esekela isihloko iveziwe. - Isakhiwo <b>esifaneleko nesinembako</b> .	<b>10–12</b> - Ukuphendula <b>okuhle</b> okutjengisa ilwazi elihle lamatshwayo wetheksthi. - Umtlolo unqophile, <b>awukaphumi esihlokweni</b> begodu usekelwe <b>kuhle</b> ngendlela enobukghoni. - Kunemininingwana esekela isihloko. - Isakhiwo esifaneleko kodwana <b>esinokungakhambelaniko okuncazana</b> .	<b>7–9</b> - Ukuphendula <b>okulingeneko</b> okutjengisa ilwazi lamatshwayo wetheksthi. - <b>Akunakudzimelela</b> nokukhambelana okulingeneko kokumunyethweko nemiqondo. - <b>Eminye imininingwana esekela isihloko iveziwe</b> . - Isakhiwo sifanele <b>ngokulingeneko kodwana kunokungakhambelani</b> .	<b>4–6</b> - Ukuphendula <b>ngokusisekelo</b> okutjengisa ilwazi lamatshwayo wetheksthi. - <b>Kunokunqopho</b> okukhona <b>kodwana okunengi kuphambene nesihloko</b> . - Imininingwana esekela isihloko <b>imbalwa</b> . - <b>Kunobutjhapha obukhona</b> obubonakalako emithethweni nematshwayeni wesakhiwo.	<b>0–3</b> - Ukuphendula kutjengisa <b>ukungabi khona ukwelwazi</b> lamatshwayo wetheksthi. - <b>Akunakukhambelana</b> kwemiqondo. - Imininingwana esekela isihloko <b>imbalwa khulukhulu</b> . - <b>Akakasebenzisi amatshwayo</b> nemithetho yesakhiwo.
<b>ILIMI, ISITAYELA KANYE NOKU-EDITHA</b> -Iphimbo, irejista nesitayela kufanele umnqopho/umphumela, abamukelilwazi nobujamo. -Ukusetjenziswa kwelimi kanye nemithetjhwana. -Ukukhethwa kwamagama. -Ukusetjenziswa kwamatshwayo wokutlola nesipelinghi. <b>10 AMAMAKSI</b>	<b>9–10</b> - Iphimbo, irejista, isitayela nelwazimagama <b>kuwufanele kuhle khulu</b> umnqopho, abamukelilwazi nobujamo. - Ihlelo lisetjenziswe ngokunembako <b>belihleleke kuhle khulu</b> . - <b>Kuneemphoso ezincani khulu</b> .	<b>7–8</b> - Iphimbo, irejista, isitayela nelwazimagama <b>kuwufanele kuhle</b> umnqopho, abamukelilwazi nobujamo. - Ihlelo lisetjenziswe ngokunembako <b>belihleleke kuhle</b> . - <b>Akunamphoso ezinengi</b> .	<b>5–6</b> - Iphimbo, irejista, isitayela nelwazimagama <b>kuwufanele ngokulingeneko</b> umnqopho, abamukelilwazi nobujamo. - <b>Kuneemphoso zehlelo kodwana azilimazi ihlathululo</b> .	<b>3–4</b> - Iphimbo, irejista, isitayela nelwazimagama <b>kuwufanele kancani</b> umnqopho, abamukelilwazi nobujamo. - <b>Kuneemphoso zehlelo ezenza bona ihlathululo ingazwakali</b> .	<b>0–2</b> - Iphimbo, irejista, isitayela nelwazimagama <b>akukhambelani</b> nomnqopho, abamukelilwazi nobujamo. - <b>Kuneemphoso ezinengi khulu ezenza bona ihlathululo ingazwakali nakancani</b> .

**ISITJENGISO SOKWABIWA KWEMITLOMELO:**










-km-/sk- : (Tlola umtlomelo otholwe mfundi)




L- : (Tlola umtlomelo otholwe mfundi)

## AMATSHWAYO OKUMELE ASETJENZISWE BOTITJHERE NABATSHWAYAKO

## IGREYIDI 10-12

Itshwayo	Ihathululo	Itshwayo elikhambelanako ethekstini	Isibonelo setshwayo elisetjenzisiweko	Lapha kulungiswe khona
?	Faka itshwayo likanobuza	h	?	
!	Faka itshwayo lokubabaza	h	!	
/-/	Faka u-dwi/ihayifeni	h	/-/	
9	Susa bese uyalivala(igama)	/	Kwa/Mhlanga	KwaMhlanga
#	Hlukanisa amagama	#	...ebesakhelene nabo	...ebe sakhelene nabo
9	Susa(Tlola phezu kweledere/kwegama elisuswako)	Susa igameli	Umma ukhamba <del>uyakhamba</del> ngekoloyi	Umma ukhamba ngekoloyi
stet	Tjhiya njengombana kunjalo/Lisa(umtlo)njengombana unjalo	....ngaphasi kwamaledere/igama olisule ngephoso	Ubaba ukhamba nomma	Ubaba <u>ukhamba</u> nomma

<b>Gabh</b>	Tlola igabhadlhela	≡....ngaphasi kweledere lelo/igama elifuze litlolwe ngegabhadlhela	<u>U</u> nomzana Mahlangu	uNomzana Mahlangu
<b>L.nc</b>	Tlola ngeledere elincani	=...ngaphasi kweledere lelo/igama elifuze litlolwe ngamagama amancani	...ngi <u>Z</u> okukhamba	...ngizokukhamba
	Vala bese ususa isikhala hlangana namaledere	Hlanganisa amaledere	Emthola  pilo	Emtholapilo
<b>s.e</b>	Thoma isigaba esitjha	Isib: sele kumele athome isigaba esilandelako.	...kwabo.  Abesana...	..kwabo.  Abesana.....
	Faka iledere/igama elitjengwise emajinini		Umma uyak  huphula	Umma uyakghuphula
	Faka ungci		Abesana bebagula	Abesana bebagula.
	Faka ikhoma		Ubaba uthenge iimbuzi iinkomo nezinja.	Ubaba uthenge iinkomo, iimbuzi nezinja.

<b>sp</b>	Thalela igama elingatloleki kuhle bese utlola <b>sp</b> ngaphezulu	<b>sp</b>	...ngitluwile	... <u>ngitluwile</u>
<b>sv</b>	Thalela igama elinesivumelwano esingakafaneli besi utlola <b>sv</b> ngaphezulu	<b>sv</b>	Ikomo <u>zakhe</u>	Ikomo <u>yakhe</u>
<b>ibu</b>	Thalela okubuyelelweko bese utlola <b>ibu</b> ngaphezulu	<b>ibu</b>		
<b>mhl</b>	Thalela umutjho ongakahleleki kuhle bese utlola <b>mhl</b> ngaphezulu	<b>mhl</b>		
<b>hl</b>	Thalela isihlanganiso esingakasetjenziswa kuhle bese utlola <b>hl</b> ngaphezulu	<b>hl</b>		
	Igama elingakaqunteki kuhle		<u>tu</u>	Umuh- 
	Umqondo oquntweko endimeni			
<b>I</b>	Thalela ilimi elingamukelekiko bese utlola <b>I</b> ngaphezulu	<b>I</b>		